

30 29

Q. D. B. V.

THESES INAUGURALES

MEDICÆ
MISCELLANÆ,

Quas in Almâ EBERHARDINÆ,

Ex Decreto Facultatis Gratiſſæ,

P R Æ S I D E

DN. RUDOLPHO JACOBO
CAMERARIO,

Phil. & Med. Doct. Hujus Prof. Publ.
Ordinario,

Patrono ſuo Venerando,

PRO LICENTIA,

Supremos in Medicina Honores legitimè
conſequendi,

publico Eruditorum examini ſubmittit

JOHANN - CASPAR BEUTTEL,

Heidenheimenſis,

In Aulâ Novâ,

Ad d. Junii, Horis ſolitis.

TUBINGÆ,

Typis HIOBI FRANCKII.

Anno M DCC XI.

Digitized by the Internet Archive
in 2019 with funding from
Wellcome Library

<https://archive.org/details/b30772266>



Σ. Θ.



Ui Scripta Majorum cum Hæreditate comparant, simili benè convenire viso rem omnem literariam declarant. Æquum omninò est, gratâ mente manuque accipere quam tradunt Magistri lampada: Juvat gaudere tot studiorum & laborum fructibus; quin ipsis oportet uti ad Divini gloriam Nominis, publicamque mortalium salutem. Hoc & mihi dictum puto, cui Nepoti cognomini Praxin suam Medicam Manuscriptam legavit moriens B. Avus, *Dn. Joh. Casp. Beuttel*, Medicus Civitatis Imperialis Ulmensis Famigeratissimus, cujus quondam laudibus dicavit Dissertationem de Præstantiâ studii Medici Pietas Generi, *B. D. Eliæ Veiel*, Antistitis ibidem Celeberrimi. Cum itaque superatis nuper examinibus pro Licentiâ mihi disputandum sit, facilè mihi condonatum iri spero, si, missis alienis, thema non è longinquo petiero, sed flosculos quosdam è laudato libro decerptos proposuerò. Tantum quidem de me non præsumo, ut docere velim quoscunque alios; Meum est, opponentibus parare modò materiam litis, non ultra tamen horas conflictui destinatas duraturæ: Libertati & Prudentiæ aliorum relictum esto, utrum ibi aliquid è re suâ sint agnitori. Ego potiùs Deum submissè veneror, ut nunc & semper suâ gratiâ infirmo mihi adsit!

PER *Praxin* igitur *Avitam* observo ante omnia frequenter suaderi *Incisionem Venarum in magno pedis Digito*, quæ *Cephalice* dicuntur, tanquam prophylacticon multorum morborum. Undè mihi desumi & per modum consilii medici proponi posse videbantur theses sequentes:

Fiant istarum sectiones venarum non in paroxysmis morborum chronicorum, sed tempestivè extra ipsos: In acutis agro prius concilietur somnus, quàm administrentur illæ.

Aperiatur vena pollicis non modò unius sed & alterius simul, quàm propè licet ad ungues, quàm dexterrimè à chirurgo, cavente læsiones quascunque, quæis fato interdum tristi fiunt infelices venæsectiones.

Observetur tempus vespertino. nocturnum, ad horam octavam, nonam; in hoc enim non parum momenti situm esse dicitur.

Tempestivæ magis erunt venæsectiones institutæ hybernis mensibus: Fit tamen mentio in quibusdam casibus tridui ante novilunium aprilis; vel & lunæ in ariete observandæ.

Snadentur reiterandæ vel annuatim, vel per annum bis tervè; aut potius pro exigentiâ morbi & ægri tolerantia determinantur.

Fœminis octo dies à mensibus esse prætermittendos, tunc istarum sectione venarum fluxum mensium posse coerceri nimis largum, promoveri parum.

Præter laudes generales missionis huius ad morbos multos, in specie remedium hoc singulare commendatur adversus maniam, melancholiam, epilepsiam, ophthalmiam, icterum, cancerum, &c. quin ipsam denique famosam podagram.

Quibus hæmorrhoidum fluxus fuerat familiaris, quocunque autem fato defierit, his ipse quâcunque etiam ratione meliore revocetur, hinc & illæ pollicum sectiones instituantur: quæ quidem cantela pro melancholicis maximè fuit inculcata.

Nec tamen prætermittuntur ceteræ prorsus aliarum venarum sectiones, ubi ipsis opus videtur; e. gr. frontalis post illam pollicum in ophthalmia, non exclusâ etiam scarificatione: similiter cephalicæ in flexura cubiti externa in mania: aut denique, pro sexu forsan fœminino, utriusque saphænæ quotannis ad præservandum ab epilepsia.

Hæc chirurgia non in exclusionem ad pharmaciam ita commendatur ibi, sed decet & prudente methodo coordinantur ipsæ, juxta filum quod vocant medicinale per curationis dies sibi subjungendæ.

Quamquam inveniuntur passim Hæmaphobi, habentes patronum causæ in antiquitate Erasistratum, proximo seculo Helmontium, qui sanitate, quam gratulamur ipsis & precamur firmam, gaudent Dei gratiâ, aut morbos tolerant vel superant, absque eo,
ut

ut quid debeant Phlebotomiæ, sive quòd non generetur vel tempestivè consumatur ipsis futura morbi causa, sive diætâ præoccupetur & corrigatur, pharmaciâ intra terminos coerceatur nifus, vel quâcunq; ratione meliore ducatur ad emunctoria convenientia, ut vel sponte naturæ prorumpat & ægrum sublevet: Non desunt tamen alii, ut est mira omni modo inter mortales differentia, nec pauci illi, qui faciles & frequentes ad hoc in mittendo sanguine constitutum præsidium properant, ipsique tam ritè observato laudes tribuunt curationum & præservationum à morbis, quàm vel neglecto vel malè instituto culpam imputant sinistri eventûs.

Non est hujus loci conferre rationes & auctoritates pugnantes, quæ nimis quàm passim suppetunt. Placet modò excusationes quasdam citare, quibus declinari vult quod opponitur scandalum: cur non semper à phlebotomiâ soleat obtineri qui sperabatur inde successus. Primas utique tenet illa, quæ desumitur ab electione hujus operationis factâ vel ab ægro vel à medico tanquam incongruæ, in casu quo *non plethora* vel *orgasmus*, nec diætâ boni multi succi prævia venæsectionem, sed vel infirmitas *analepsin*, vel purgationem viarum primarum *cacochymia*, aut morbi mos aliam excretionis indicasset speciem: Sic e. g. in malè nutritis corporibus sanguinis missio perniciofa dicitur *Lancisio* d. mort. rep. 2. 5. Altera ratio suppetit à *quanto*, sive potius parco, cùm peccatur in defectu, dum morbus postulare detractionem largiorem. Non opus est multis citari, quod passim legitur, e. g. in comm. *Heurnii* ad aph. 23. f. i. à *Galeno* traditum, de Causis missio vel ad deliquium sanguine quàm citò extinctis, solutâ indè alvo, & manantibus sudoribus, non sine maximo commodo. Miramur Germani Gallorum & Anglorum liberalitatem & frequentiam, interque hos ex *Act. Lips.* anni nuperi *Whitium*, pro venæsectione in acutis quantitatem unciarum triginta determinantem ad sexaginta, argumento crifium largarum, quippe ad libras cum *evphoriâ* factarum, ut redargueret timorem non ultra libram mittentium. Transeant ista modò, examini & tentamini audaciorum committenda. Proportionatum utique quantum juxta morbi & ægri circumstantias mitti fas erit & observatu necessarium illi, qui sine petito per hoc medium potiri voluerit. Non minùs tandem notabilis est cautela, ne pec-

cerur in *ordine*, sed ut venæsectiones instituuntur, juxta certas practicorum regulas, five leges revulsionis & derivationis, quas collegit, approbavit, vindicavit ex professo *L. Bellini*, quod sc. casu, quo pars aliqua affecta est, tutissimum sit, sanguinem mittere ab illo trunco, cujus nulli rami ad partem affectam tendunt; deindè à venis oppositi lateris, ab eodem trunco venientibus; postremo ab ipsâ parte affectâ: nisi quod aliquandò missio sanguinis ex affecto latere, pulmonis e. g. respectu, possit esse prodigii instar, & subitò hominem ad sanitatem redigere. Utrum hæc explicari debeant & possint non per tractionem, vacui metum, instinctum aut consilium naturæ, vel avocationem morbi, sed ex mutatâ per phlebotomiam ratione quantitatis & velocitatis sanguinis per suos canales, atque adeò determinari universale fluidum ab affectâ parte ad apertæ venæ locum, absque eo, ut villo contractili detur Præses, aut instrumentis, à quorum necessariis motibus omnia pendeant, principium: id quidem modò non diducam mearum fatagens litium. Sunt utique, qui vellicant istum: Etenim *Ant. Heide* regressit, se talia motuum schemata in apertis & inspectis ranarum vasculis non observasse; Et ex *Giorn. d' Ital* T. 2. constat, occasione *Bellini* quàm dissonent & ibi animorum motus, dum ex Medicis hi specifica laudant, illi venæsectionem urgent, quin ipsam hujus necessitatem vel ab exprobratâ istorum paucitate probare præsumunt.

Fas igitur & mihi sit ad prophylaxin & therapeian morborum felicius obtinendam spem ponere in *tempore* & *loco* convenientibus. Ad has enim præcisè circumstantias exegit *B. Avus* instituendam venæsectionem, harum observatoribus felicioris successus spem fecit: non itaque mirum, non sequi, quod aliàs solebat & poterat, ab omissione fidelium monitorum, à neglectu thesium. In praxi vel *hæmorrhagia* ipsa audit tam *critica*, quàm *symptomata*: *Artificialis* autem *sanguinis emissio* est aut esse debet *affinissima critica*; juxta rerum practicarum peritos. Agnosco enim, ut bonâ fide agam, in avertis thesibus *Job. Sophron. Kozakum*, scriptorem de *Hæmorrhag. de Sale*, &c. à medio seculi nuperi clarum, ut passim citari solitum, ita & laudatum in eteodromo *Celeb. Dn. Arch. Lentilii* Transmittam ego quidem hîc paradoxa Viri, quæ inter facilè primum sibi vendi-

vendicent *spirituum* clientes, non Illi animalium medicis dictorum, sed nescio quorum entium, dæmonum; pro causis ægritudinum quò non usque extensorum? Potius ex praxi Laudati Autoris salubria monita de rite instituendâ sanguinis missione reproduco, & testimonium B. Avi addo, tanquam non auctoritatem modò, quam veneror, sed & confirmationem veritatum practicarum longo usu approbatarum. Si hæc aliena quidem experientia mihi futuro practico diceretur sufficiens, quam sequar, vel pietas me defenderet. Prosequar tamen levi discursu theses meas, & cum placitis Aliorum tantisper conferam.

Video enim duo præcipuè ibi contineri, partim generale illud, de secandis *pedum* venis, partim ipsius mage proprium, de restrictione sectione ad illas *pollicum* venas. Prior illa quidem se tuebitur ante omnia *Hippocratis* auctoritate, cujus quosdam aphorismos describam & huc referam confirmationis gratiâ: Si prius obiter monuero, plura de hoc themate qui volet inventurum in *Zacuti Lusit. med. princ. hist.* Et quid non *Bravo* de suis Hispanis? sc. *Complutenses* contra *Hispalenses*: In malignis suadentes missionem ex talo *Ramirez, Rodriguez, Henriquez*; hunc quidem ubique limitantem: contra *Calderam*, qui in materialibus & capitalibus omnibus instituat. &c. Quibus missis, ex *Coo* decerpam aphor. inter novos *Sponii* 88. 89. §. 5: *In dorso & coxendicum doloribus, ex poplitibus & malleolis externis venæsectiones fieri debent. In lumborum verò & testium doloribus, sanguis ex poplitibus & malleolis internis mittendus.* Ad hanc quoque regulam fieri videtur, quicquid in sectione *saphenæ* tentatur pro utero expurgando. Ubi rectè Ille: Si unquam habendus est delectus temporis vel venarum incidendarum, reverà is in curâ *scæminini sexûs* est habendus. Item huc spectat, quod in manuscr. avito pariter lego, de venulis *minorum* digitorum pedis ad *ischiadem* sectioni pariter destinatis. Aliàs cautum esse volunt practici: *Ischiadicam* pedis afflicti secandam casu concentrati magis in coxâ doloris; quod si verò hic diffundatur per pedem & descendit, alterius pedis venam fore tundendam. *Hippocrates* porrò d. morb. mulier: *Si prægnans diutius immoretur, & parere non possit, sed pluribus diebus partûs doloribus discrucietur, sit autem juvenis & ætate florens, multoque sanguine redundet, venas in malleolis secare oportet, & virium habitâ*

habitâ ratione sanguinem detrahere. Transeat hîc de venâsectione *pedibus gravidarum* interdictâ, sed ultra medium progressarum, ad terminum propius accedentium, præviâ maturâ deliberatione, concedendâ, quæstio, reservanda occasione alteri: *puerperarum* tamen non meminisse nefas foret, quia non desunt nuper feliciter enixæ, floridæ prius illæ & vegetæ, jam verò periclitantes in accessu acutæ febris, sub paucitate vel nullitate lochiorum, quæ tempestitiva profuit pedum venâsectio. Tandem *Senex Noster* d. Superfoet: *Quæ citò concipiebat, si concipere desinat, bis in anno manuum & crurum venam sibi secari jubeat.* Etenim huic subjungi meretur ille *Ac. Nat. Cur. Præf. B. Volcammeri* aphorismus in *E. N. C. 2. 10*: *Quibus fœminis menstrua finire desinunt, si quandam pedum venam illo fluxus tempore quater sequente anno secuerit, sibi de cancro commodè prævidere poterit.* Accedat pro complemento clientis Hippocratici *Baglivi* aphorismus è *prax. 1. 13*: *In malignis febribus dum sanguis mittebatur ex brachio, æger in pejus ruebat, & totus morbi impetus ferebatur ad caput, unde paulò post deliria, sopores, &c. contrâ misso sanguine ex pede melius habebant.*

Non abs re videtur fore, siquidem illustrationis gratia huc referantur pauca de specialiore *venarum* aliarum selectæ, non majoris quidem illius, raræ adhuc inter nos apertionis, *jugularis*, per quam proximè consulatur capiti & efficaciter, cujus laudes videtis per *Boneti* sepulcr. loco non uno; sed nostris similium & æqualium, i. e. minorum in extremis. Hîc enim primum iterum locum habeat illa *frontis*, quia expressum habet textum Hippocratis, sc. *aph. 68. f. 5*: *Cui postica pars capitis dolet secta in fronte recta vena est adjumento.* Dedit ut solet brevem & huic commentarium quem laudavimus *Hurnius*. Sequuntur illæ *sub linguâ*, anginosæ sub cautelâ destinatæ, quin & *prunellæ* malignarum; his quoque *raninis* incisis loquela statim rediit aphono in obs. *Lancisii*. Nec extremo *nasi* paritur; quod & in cap. d. *ictero* præscriptum legi. Parallelæ magis inferis pedum videntur illæ *manuum* superæ venæ, famosæ in primis duæ, pollicis quidem *cephalica* item credita, annularis autem *salvattella* dicta. Non undecunque compilabo prætextus, sed dabo historiam alienam quidem & paradoxam, Autore tamen suo dignam, prolixum verò doctumque commentarium dabit *Lindannus*, sc. *Oemadis famelicosi* ex *Hipp. epid. 5. 2. 6*. Nec tamen grave sit ipsam & hîc

hic legere. Ita autem se habet: *Apud ceniades vir morbo habebatur. Quoties sine cibo esset, sugebat ipsius in ventriculo fortiter & cruciabatnr. Et quum pasto cibi essent contriti, ac tempus interveniret post comesturam cibi, non diu post, idem patiebatur. Et tabescebat corpus & liquecebat. Neque ali ipsi contingebat ipsi ex cibis edenti. Sed secedebat cibus pravus & combustus. Quum verò recens pastus esset, hoc temporis ipsum minimè sugebat, vel dolor habebat ipsum. Hic medicamenta bibens omnigena & supra & infra, nihil proficiebat. Verum venam incisus per vices in utraque manu donec exsanguis fieret, deinceps profecit, & liberatus est malo. Nec aliud salvatellæ laudibus dabo ac illud Scholæ Salernitanæ: Ex salvatella tibi plurima dona minuta, Splenem, hepar, pectus, vocem, præcordia purgat, Innaturalem tollit de corde dolorem. Liceat tamen addere illud Eric. Mauriti ex ENC. 6. 218: salvatellam præ cæte is venis attrahere melancholicum humorem, veramque esse antiquorum, quod & recentibus experimentis constat, sententiam, in morbis lienis illam rectius quam alias aperiri. Etenim Lazuli lapis à frictione manui non perindè alibi, ac eâ parte quâ salvatella est, ad hæsisse ipsi visus fuerat.*

Declarare ulterius thema meum studebo per observationes practicorum selectiores. E multis modò sunt tres: *Prima* fit *podagricorum*, qui *Baglivo* interprete proponunt signum veluti characteristicum jam jam advenientis paroxysmi, venarum sc. afficiendo loco circumpositarum protuberantiam; queruntur, quietem nocturnam interrumpi à dolore pollicem pedis ut plurimum, hinc ossicula tarfi & metatarfi, maximè in articulo ad pollicem, quandoque verò calcaneum aut malleolum occupante, quin ultra crescente, cum sensu veluti canis rodentis; &c. Ne sordes quidem inter pedum digitos prætermitterem, nisi delicatiores foetor offenderet; quo se tamen ipsos liberare nequeunt. *Altera* sistat singularem fatalitatem mortis incipientis à pollice pedis *sphacelato*, & miro modo vel tardo motu vel celeri cursu progredientis sursum; Nam & urbs & patria tristium talium factorum meminit: Interim videatur *Gemursa* Cel. Eph. Nat. Cur. Direct. *Lochneri* in Centur. Observ. nr. 192. *Tertia* specialius concernet *problema Kosaccianum*: Rationem reddere, cur ulcera sint frequentia in medio pedis, ubi sc. videntur hære crassiora & falsiora, quæ ulcerant, præ femore, ubi sanguis

adhuc per uterum, hæmoides, &c. exonerare se potest, & præ pede parvo imo, ubi in ungues & callos subsidet, desinit & coalescit? Prolixius talia diduci mererentur quàm pro conditione paginarum, quippe majoris momenti: Pro aliquâ confirmatione accedat testimonium ex *Actis Nat. Cur. Uratislav* ann. 62. de insigni usu *vesicatoriorum* in *suris*, quando ægri torquentur *asthmate*.

Quod si jam rationes poscas thesium, quas & analogismus reddit verosimiles, tum modus quidem agendi chirurgiæ illius & explicandi beneficium ab illâ obtinendum, ad duo videtur redire capita: *Revulsionis* & *Præoccupationis*. Huc itaque spectat illa *Diversiōnis* doctrina, Veteribus ut dictum debita, postmodum ab invento sanguinis circulo in dubium vocata, sed quæ nuperis annis meruit revocari, & probari voluit, non adversa rationibus mechanicis, quæ observationibus est conformis. Iterum *Hippocrates* d. off. natur: *Danda est opera, ut quàm maximè procul à locis, in quibus dolores fieri, & sanguis colligi solet, venæsectiones faciamus: Ad hunc n. modum continget minimè magna repente mutatio, & translata consuetudine efficiet, ut ne amplius ad eundem locum coeat.* Sic consuli poterit tempori non tam præsentis, quàm & prospici futuro: Nec ad patulum modò apertæ venæ foramen determinatur natura, sed ad inferiora emissaria simul invitando quasi manu ducitur. Per tō præoccupare autem id volui, quod simile avitum innuit, sc. præscindi *radices*, ut sistantur *germina*. Ita radicem morborum quærendam in pedibus, cautâ missione sic posse intercipi, ut ne ferat *fructus* per corpus superum. Talis sive demissi sive per moram subtus geniti fermenti, contagii ascensus ad paroxysmos gravissorum affectuum, pars est non parva libri laudati, quem qui plura desiderat quia meretur evolvat ipsum talium curiosus; quin & cum Arthritide anomalâ *W. Musgrave* conferat. Dicam, ut tumores & aperturæ venarum inferiorum sæpè bonum reputantur, tam ut *signum*, quàm ut *causa*; sic etiam à tempestivâ tali emissionem sperantur meliora in raptu sanguinis ad caput: *sæpè medemur*, ait Ille, *capiti, pulmōni, cordi, ventriculo, aliisque superioribus membris solis, cū tamen inferioribus potiùs occurrendum esset.* Utrum hîc aliquid momenti & illud importat, quòd in extremis *desinentes arteriæ venis nascentibus* proximæ expeditiorem hinc videantur promittere exitum sanguini non tam ultimo stagnanti quàm ultimo urgenti? Item,

Item, quòd hîc subfit ratio non *extremi* solum, sed & *infimi*, ad prærogativam sectæ hîc venæ præ illâ manuum, pro scopo revulsorio in gratiam affligendarum sed ita liberandarum superiorum partium. Equidem si rectè memini *Helmontianum* hoc est, in vivo non esse superum & inferum, sc. omnia fluunt per circuitum, dum viget natura sana: sed quàm ægrè ægra ipsa superet gravitatis momentum vel tuigens & scatens sero pedum moles docet. Quin tertianæ paroxysmus non benè defuisse censetur, nisi calidus mador descenderit ad & pervaserit extrema pedum. Quòd verò non una sed *utraque* pollicum vena secari jubetur, utrum id censebimus factum ex ratione largiùs obtinendæ evacuationis & diversionis efficacioris? An ad evitandam revocationem fermenti ex pede altero in sanguinem & commixtionem, pro novo sed importuno ad nobiliores partes decubitu. Aliàs in scholâ salernitanâ: *Ver, æstas, dextras, autumnus hyemsque sinistras.* Nec desunt, qui suas ament cruciatim instituere sectiones hinc brachii indè pedis, itidem vel simul vel brevi sese excipientes.

Quæ supersunt rationabiles etiam videntur *circumstantiæ*: Concernunt autem pleræque omnes speciale *tempus* anni, diei, sexûs, morbi. Non est, quòd *Astrologorum* causam hic agam, quamvis *B. Avum* & hâc quondam arte inclaruisse audivi, medicus tamen non erit superstitiosus, qui in re dubiâ, lite nondum decisâ, suspecta illis tempora evitare, favente cœlo suas instituere operationes: ubi sc. necessitas quæ legem non habet præsens auxilium non poscit, vel condescendendo vel tutius in omnem casum eligendo, determinaverit. Sive quis *lunam* potiùs velit observare, vel numerando dies à NL, haberet in *Virgilio*, quo se defendat, vel novæ, plenæ, &c phasés attendendo, patrono gaudebit *Richardo Meade* de solis & lunæ imperio in corpora humana, & morbis indè oriundis, aut zodiaci denique certa signa seligendo, *Tilemanno Coose* tuebitur; sive *solis* etiam rationem addere voluerit, non habebit contradicentem, nisi æquinoctiorum & solstitiorum malè incurium. Sed transeant ista modò: Cur solitum VSectionis tempus antemeridianum non fervetur, ratio quidem videtur facilis: hoc enim fert *serus vesper*, quod hîc præcipuè attenditur, prætenditur indicans, sc. venarum plenitudo & turgentia magis conspi-

qua, ipsi operationi favere videtur, quin ipsam quasi invitare. Quæ de motu humorum per anni æquæ ac diei partes cana nobis reliquit antiquitas, pondus addent huic observandæ circumstantiæ. Porro tempus hanc VS. potius declarat *preservatoriam*, quàm *curatoriam*; priore respectu monetur, melius esse prævenire quàm præveniri. Est hoc è differentiis morborum accidentalibus prædicatum multis competens, esse periodicum, concedere intervalla: hæc notare, hanc agendi occasionem captare, prudentis est. Temporibus medicina valet. Qui ergò quasi sedimentum ad inferiora remittendum vel præcipitandum expectat, non tantum sibi promittet sub tempore jam factæ, sursum propagatæ, actu durantis confusio- nis humorum, quàm ad aut post finem paroxysmi, sub intermissio- ne, per intervalla lucida. Quod si morbus *intermissionem* non fe- rat, tum *remissionem* (vel primo obtutu in tabula pyretologicâ R. *Mortoni* obviam) expectandam, observandam vult monitum practicum. Quid verò quod hæc demum *procuranda* videtur, in acutis somnum prius esse inducendum suadendo. Quâ nam hic, si declinatio minùs vel tardius sit speranda, ratione me- liore conciliabitur, tutò? Alibi *Kozakus* hoc scopo laudat, & dormitum ituris exhibet, diaphoreticum anodyno permistum aci- diusculum redditum aliquot guttis spiritûs vitrioli; de quo & sa- libus, quæ huic etiam intentioni convenirent, infra. De suo au- tem sale vitrioli narcotico volatili *Hombergius*: Il ne fait qu' appaïser la fièvre, & le transport, pour un temps, sans le guerir; car si dans cet intervalle de tems on ne chasse la cause de la maladie par les purgatifs, la fièvre & le transport reviennent.

Quanquàm expectandum omninò, quid thesibus istis suo tempore sit opponendum; licebit tentare tamen, num in anteces- sum uni alterive dubio possim prævertere. Quod si ergò videatur alicui non promptè satis juvari æger sectâ dicto loco venâ, ac si alibi institueretur venæsectio largior: Illi pro responso sit casus neces- sitatis in urgente plethorâ & orgasmo fundatus, & exemplum ma- niacorum supra agnitum, qualibus & majora vasa & detractio nem per vices liberaliorem poterit dare; sive ut *Bellini* verba suppleam, cum morbus distributus fuerit per omnia vasa sanguinis, perindè erit, è cujuscunque partis venâ educatur, modò servetur proportio emissæ,

emissariorum & compressionum : Nunquam tamen seposito respectu partium nobiliorum, quibus minari magis videtur sanguis per circumstantias personales. Si porro inveniantur *venæ pedum exiles nimis & graciles*, quàm quæ commodè aperiri possint, quippe chirurgi aciem sæpè effugiunt, vel è quibus multum cruoris obtineri possit, cùm utique è patulo fortè foramine *parum* vel *nihil* fluat, dum hîc spissus, alibi ad locum sectionis non præsens sed nescio cur aversus est : Tum præter responfionem, evacuationes salutares non semper *quanto* sed & *quali*, *tempore* & *loco* æstimari, illud omninò addendum erit, eam ipsam ob causam commendari blanda *pediluvia*, non uno horæ quadrante præmittenda venæsectioni, sed in casu & pro scopo præservatorio certis horis per diem unum & alterum. Indè si vel maximè *primâ* vice obtineatur parum, *sequentibus* tamen spes est fluxurum plus sanguinis. Ista enim fieri volunt non semel, sed repeti per menses, per annos. Quod ipsum tamen est, quod etiam ex adverso potest & solet moveri, sc. *introducenda metus servitutis*; quem faciliè tamen declinabit usus deprehensus salubris. Prioribus autem venulis parvulis substitui adhuc possunt *alii*, quibus vasa pedum plena in propatulo jacent, nec calore aquæ ut evocentur, nec ligaturâ ut repleantur, opus habent, apertæ extra aquam, soluto vinculo, saliant, fluere vix desinunt per se, omnique hoc phænomeno aliam clariorem *turgentiam*, quàm illam purgationis indicantem, oculis exhibent : Qualibus proin theses istæ potissimum convenire videntur. Denique auditur objectio passim, invitari multum impurum, ad pedes, *enervari* ipsos, per istas venæsectiones, ut à decubitu humorum ibi tumores sint metuendi & ulcera pedum. Quod tamen ab operatione ritè institutâ non solet observari; quin imò, cùm plures inter nos sint ulcerosi vel ulcerosæ pedibus, quàm hisce venæsectionibus assueti, illam potius invertendo, huc retulerim, quod in *Paracelso* me legisse memini, consilium, de annuâ apertione varicum pro firmâ curatione *der offnen schaden*.

Verumenimverò satis, si non nimis, esse datum videtur venæsectioni. *Miscellaneous Theses* inscripsi, ergò quod reliquum est dabo uni adhuc & alteri ex *methodo medendi* & *materiâ medicâ selectæ* : Sic

Adversus Vertiginem diuturnam deprehendo laudatam post Emeticum Aegagropilam.

Hanc thesin ideò excerpti, quia nititur observatione propriâ, cum *Se Ipsum* ita curasse scripserit Medicus. Ex circumstantiis colligo, Ipsum mediæ tunc ætatis virum durioris primò vitæ per itinera & militiam, obnoxium diu, ad tres annos, vertigini, frequenti ut suspicari fas est & periodicæ, ad hanc curandi methodum devenisse post usum, sed frustraneum, variorum oleorum, balsamorum, elixirium, &c. ex- & internorum. Ubi apud animum utique reflecto super diversam conditionem talium sine optato successu aliquandiu usurpatorum, ad benè diversum quoque judicium: Non mirum est, à vanis nihil laude dignum obtineri, ab incongruis etiam damnum dari, ut optares talia fuisse omissa; Quòd si verò fuerint præmissa salubria quidem, sed vel non satis continuata diu, vel quæ sola non suffecerint, aut quæ viam tamen paraverint secuturis, tunc ultimum utique quod juvit suæ manent laudes, sed ita, ut suam quoque sibi partem vendicent priora. Verùm hæc omnia melius jam olim expedivit *Præsidis B. Parens*, sing. diss. cui tit: *Obex curationis morborum, tam frequens quàm gravis*; hanc legisse juvabit. Hinc observo usum *Vomitiorum* in *Laudatâ Praxi* loco non uno ita præscriptum, ut nec temerè nec timidè sed circumspectè ad ipsam non modò eorum præparationem & dosin, verùm etiam ad causæ exigentiam & subjecti tolerantiam respiciendo prudenter accommodare soleat, moneat. Placuit forma *Vini Emetici*, infusione *Croci Metallorum* à gr. v. ad vij. per noctem parati, à pulvere decantati, pro haustulo jejunis dando, cum regimine; undè vomitum vel alvum, vel & utrinque motum iri notavit. Dixero conformem hunc processum aph. 17. s. 4: *Non febricitanti cibi fastidium, oris ventriculi morsus, vertigo tenebricosa, & oris amaritudo, purgatione per superna opus esse significant.* Eandem naturæ tendentiam observari etiam voluit Exc. Dn. D. Zeller, Patronus & Promotor Honoratissimus, ad Thes. Inaugur: *In curatione Tympanitis multum præstant Vomitoria.* Quia similiter procedentem nuper legi *Arch. Pitcarne* Diss. VI. igitur & Hujus ratiocinia proponam: *Moneo in vertigine à salibus volatilibus esse cavendum, eaque exhibenda, quæ rarefcenti sanguini ponunt obicem; Loquor de curatione, quæ post evacuationes* necessa-

*necessarias instituitur. Evidens enim est, in vertigine idiopathica, non minus quam in apoplexiâ, arterias & venas esse secandas; at in alia omni oportet vomitum ciere, & multis quidem de causis. Primum enim vomitu sordes ventriculi eluuntur, liberiorque datur exitus perspirationi, quæ suppressa sanguinis molem eoque auxerat, ut invaderet vertigo, ratione à Bellinio explicata. Deinde everritur liquor, qui paulo post sanguini commistus, aut molem aut rarefactionem nimiam & vertigini producenda parem intulissent. Neque desunt alia vomitum sudentia, ubi morbus ab inquinato ventriculo repetit natales. Sequitur Aegagropila Vera usus, sc. remotis primarum viarum obstaculis, specifici alterantis post operationem evacuantis altero die inchoandus, in aquâ appropriatâ primum à quinque granis, & hinc per dies novem cum grano singulis ascendendo continuandus; sub spe, hâc curatione utut aliis fortè non tanti habitâ obtinendi, quod mireris, gaudeas. Ne quid subiticeam; aliquam huic glomeri etiam quâ Amuleto sub axillis gestato vim attribuit. Bonâ verò fide vertiginosos monitos voluit, ut à fumo tabaci & veneris abusu sibi caveant. Nolim hîc actum agere, & post G. H. Welschii diff. sing. in fibras & pilos tam herbarum, *doronici, reguli alpii*, &c. quam *rupicaprae*, excelsarum alpii incolæ, & hinc succo quocunque mediante cohærentes & convolutas pilas, earumque locum ortûsque modum inquirere; aut producere, qui viribus laudatis hinc indè præsumunt contradicere: Nec modum agendi jam eruere allaborabo, titulo Specifici deterritus, utpote cujus definitionem qualitas occulta ingreditur. Quam ingenere quisquîs ferre nequit, per causas reddat clariorem, si prius ipso usu fecerit certiolem. Ultimò, cum adversus minas terribilis hujus affectûs etiam suum Lunæ pulverem laudaverit B. Practicus, occasionem dedit ulterius proponendi thesin sequentem:*

Chymicorum Lunam in curatione morborum capitis passim præscriptam quia reperio, hoc etiam specificum minerale liceat producere.

Fuit Ipsi quidem Pulvis etiam Solaris, quo claruit, sed non est hic locus expositioni omnium: Talium curiosus in procurandâ conjunctione solis cum mercurio, hinc aquæ non madefacientis manus chymicorum in pulverem conversione, se exerceat, & in usum vocandâ cautus procedat. Si quos sequatur desideret, consulat *Experimenta Osiandrina I. U. R. D.* Mihi modò manuscriptum

ptum meum dabit *Argenti calcem*, eamque duplicem: unam *lunæ foliata* cum tantillo *sulphuris* in crucibulo calcinatione paratam; alteram ex solutione *lunæ puræ* cum *Spiritu Nitri* factâ per commixtionem cum multâ *Aquâ Salsâ* præcipitando obtentam. Prior erat pro infusione cum Fontanâ vel destillatâ Cephalicâ temperatâ, ut habeatur *Agua Lunaris*, uno & altero cochleari danda per horas in phrenesi, maniâ, item ante paroxysmos intermittentium, &c. quin & cum *Spiritu Mellis* benè parato, quâ ratione tinctus liquor audit *Anima Lunæ*, parcè cum plusquam vigecuplo *Spiritus Cephalici* rariùs præscripta. Calx altera frequentioris Ipsi fuit usûs, sub titulo *Magisterii Lunæ*, vel *Pulveris Lunæ Magistralis*, exhiberi solita vel simpliciter in conservâ rosarum, dosi pro adultis & firmis granorum 4. 7. aut cum *cinabari*, *antimonio crudo*, (hoc enim non præparato, in pulvere ad pauca grana, & tutò & cum fructu se usum scribit.) pluribusque *cephalicis* aliis. Quod, ut ulterius declarem, præcipuè in affectibus capitis pulcrum laudatur arcanum, antequam cubitum eatur exhibendum, noctibus vel alternis, dum intermediis e. g. maniæ laud. opiatum destinabat, vel plurimum pro re natâ intervallo, velut hypochondriaco-melancholicis in specie lenem, quo ipsis quidem opus est, somnum inde promittit; epilepticis specificum, apoplecticis præservativum, &c. laudat: Præmissis tamen juxta medendi methodum pro ratione circumstantiarum personalium sanguinis missionibus & purgationibus, quas inter quæ cum *extracto hellebori nigri* ritè parato fiunt sæpiùs citari meruerunt.

Hic autem lites iterum minari videntur Alii ex capite non uno. Primi erunt, qui capiti *specificam* lunam negabunt, prætendentes fore vim cephalicam *menstrui*, quo cum parari solent dicendæ *Tincturæ*, non argenti. Quibus ego quidem opponerem turbam chymicorum, & patronos specificorum, qui nondum silent, nisi mihi modò sufficeret laudata Autoritas. Interim suas menstruo laudes concedo, sed non in exclusione ad lunam, etiam solam, sine ipso paratam & datam. Sequantur, quibus Luna, quia *veneris* nunquam expers, suspecta est: Proditur autem hoc alienum metallum, malè audiens ob *emesis*, quam ciet, vel ex ipsâ calce, per *Spiritum Urinosum*, pulcrâ quidem sed eo ipso non puræ tin-

tingtura lunæ cœrulea. Quid his responsi destinabo? Utrum, vomitu capiti aliquando prospici, cujus modò specimen præmissi. Vel, num advocabo Patronos *Tingtura Martis Coerulea*, quippe quam eadem vexat censura. Ne quid dicam de Aliis, qui cupri tingturi & vitriolis convenienti menstruo & reiteratâ crystallisatione benè præparatis cautè & dextrè uti norunt. Sc. parcas talium doses destinando personis, quarum primæ viæ ipsis sunt ferendo, & morbus ista exigit. Verùm hæc modò transeant. Tradam potius *Docimastis* Lunam pro posse *refinandam*, ut liberior possit usurpari tutiùs, aut perpaucum quod superest alieni non prævaleat. Quid si propositæ calci lunæ spiritus ammoniacalis quò usque tingitur venerem extraxerit, quid inquam de residuo videbitur, jam puriore, ulterius recluso, & volatilizando? Claudant agmen, qui novas facultates à compositione metallorum & salium oriri meminuerunt, in specie *lunæ crystallos* hydragogum drastrictum, *lapidem lunæ infernalem* causticorum principem nil nisi lunam acido nitri nuptam norunt: hinc sibi à rosionibus internis metuunt. Equidem per istam operationem chymicam bolus acido è faucibus videri posset excussus, adeoque libera luna à spiculis aquæ fortis: Nihilominus *magisteria* pondere aucta, præ metallo ad solutionem adhibito, satis probant, detineri adhuc plus minus sive de solvente sive & de præcipitante ut cumque ita fixato. Interim calcis per aquam frequenti elutione, & *spiritus vini* super exsiccatum pulverem accensione, mitigari calcem, non vana spes est, non injungitur cautela supervacua. Sc. in universum metallica omnia & parare & usurpare doctus & cautus esto practicus, vel abstineat. Philosophi autem duplex hîc haberent phænomenon, quo declarando benè mereri possunt: sc. cum *R. Boyle* d. form. & qlt. orig. produci saporis *amari* Lunæ, *dulcis* Saturni ab eodem acido; & cum Alchimistis, in præcipitatione uti tam diversa, sic & Lunæ è nitroso acido per *Salis* non modò *Aquam*, sed & *Spiritum*, hinc enim fit & audit *Cornua*. Denique quandoquidem *Bezoardici Lunaris* mentionem quoque ibi factam invenio, & *Diaphoretici Martialis* famam modernam observo, specificum cephalicum simile requirantibus, *Diaphoreticum Lunare* proponere fas esto. Parcus & in selectu remediorum cautus *Dan. Ludovici* simplicissimum nostrum lunæ finæ ex aquâ forti cum muriâ præcipitatum magisterium,

tanquam præ eo quod cum alcalibus præcipitatur (nè admodum edulcoretur.) longè acceptius, subtilius, atque alios etiam in usus singularius, tam per se, quàm cum antimonialibus calcibus, (*antimonio diaphoretico, diaphoretico minerali*) dari posse docuit, monuit.

Mirabar conspiciens in censu polychrestorum inter exotica rariora etiam Fel Hystricis & Capricorni Sanguinem ab Ipso ante tot lustra recensitum.

Per itinera in talium notitiam venisse oportuit, quorum alibi fama utique percrebuit, usus autem his in locis necdum invaluit; quo parciorem esse mihi æquum est. Ipse igitur paucis quidem inter specifica gravissorum affectuum, uti sunt antepileptica, recensuit *fel hystricis*, sive *porci marini*: Et hoc ipso mihi in memoriam revocavit, tum quæ de *Fellis* ex uno & altero animali usu, interno, tum quæ de *Lapide Indico*, *pietre de porc*, summi pretii novo remedio, hinc indè legeram. Huc enim omninò spectare videtur famosus hic lapis, siquidem juxta *Helvetium*, *trait. des malad.* reperitur non alibi ac in vesiculâ fellis *du porc epic*, dicitur esse non aliud, quàm bilis petrefacta; cui fato & homines & bruta sæpius observentur obnoxia in malaccensi indiæ or. regno; (ut ita, quod in se morbosum est, fiat alteri remedium.) habere saporem amaro-dulcem non ingratum, &c. A quo proin alium esse oportet lapidem, dictum quoque porcinum malacensem, *pedra de puerco spin.* quem *S. Dale* in app. pharmacol. *Aegagropilum* (sit venia verbo) potius describit. Verùm ista viderit curiosorum industria. Uti quidem *Hippo- & Bulbhorum* naturam & usum jam olim tradidit Ill. Ac. Nat. Cur. Præses, *Dn. Schroeck*, Eph. a. 4: Singulari autem studio Celeb. *Dn. D. Valentini* tam in Museo passim, quàm inter Exot. Polychr. & Hystricinum lapidem & animales reliquos exposuit, etiam de succedaneis benè sollicitus. Medicorum est usus infusi lapidis prioris in aquâ ad stuporem magnus, per exempla l. c. declaratus. Qualis ergò & quanta sit prærogativa lapidi isti præ similibus è vesiculâ fellis, imò præ bile ipsâ, certorum animalium, licebit quærere? Equidem specificus & singularis ille flavus & amarus liquor, cujus genesin mirabatur *philosophus per ignem*, (scilicet ex aquâ pisces, pecora ex gramine, bilem conficere.) externo passim destinabatur usui, tanquam abstersivus, cosmeticus, uti saponaceus est, & dicitur in *memoir. de l' acad. d. scienc. a. 09*: suspicionem autem

autem usûs etiam interni paradoxî, quia nobis in stomachum regurgitans nausæ est & vomitum movet, salubris tamen, si bilis defectum suppleverit, aut alliciat motum ejus ad & per intestina, (num & ultra extendere fas est agendi modum?) usûs, inquam, talis, ut ut parci, mihi non vanam dederunt verba Avita. Admirationi fuit ophiomastix *Fr. Redo*, fel viperæ dimidio cyatho frigida mistum impunè hauriendo; in *app. E. N. C.* ann. 1. Atqui anguillæ hepar cum suo felle parturientibus laudarat *Helmontius*. Indè *Sponius* observatione suâ (tam *bilem serpentum americanis*, quàm *finnis urfi bilem* febricitantibus, pariter esse remedium; quin extendi ad morbos tantum non omnes.) monuit, cogitandum esse de talium amararum guttarum ulteriore usu, prudente selectu per species animalium, & comparatione amari animalis unius cum amaro vegetabili multiplici. Quod nam tali bili vehiculum convenientius? Utrum, aqua quædam destillata, aut vinum, pro infuso? an pro tincturâ vini spiritus? qui bilem aliàs cogit & quasi condit. Hinc ad ipsam conglobandam in simile concretum, quod Lapidis medicati titulum mereatur, num sufficiet misceri, ficcari cum terreis; an & spiritu, vel acido, videtur opus? Variant enim ipsi è fellis vesiculâ vel ex-empti vel excreti calculi. Vaccinum duriusculum, *splendentem*, unum è sex similibus; Item *sabulum* è cysti felleâ vaccæ alterius flavum asperulum qs. ramosum in copiâ, nuper obtulerunt Commilitonum Curiosi: At qui leguntur triangulares in Lithogenesiâ *B. D. Mezgeri* videntur aspectu magis *sapo* quasi concretus quàm lapides. Hâc autem occasione citari quoque meretur *B. D. Brodbeckii* curiosa chologevm. tractatio; ne benè meritorum subrepat ob- livio. Ista verò non in gratiam exoticorum vel pretioforum dicta velim, nec ad ulteriorem materiæ medicæ jam dum prolixæ nimis amplificationem, sed ne quid profuturum seculis maneat inten- tatum, sive alibi sit quærendum, sive inter nos sit obvium, vel ha- beat succedaneum, occasione datâ per internum bilis usum paucis volui deducere.

Sed pergendum est ad alteram partem thesæos, ubi sanè occa- sionem de *Capricorni sanguine* cogitandi, cum *lapide bezoar* æquipa- randi, quin huic illum præferendi, videtur dedisse non tam animal Ipsi conspectum, cujus dicebatur esse lapis, capricorno comparatum ferociâ & aspero summorum montium loco, quàm lapidum istius-

modi per europam copia major, ac quæ pro raritate omnis ex oriente venire possit, hinc suspensionem movens, veris & genuinis multos vendi mixtos adulterinos. Equidem *factitios* simpliciter contemnere non ausim; laudantur enim *Bezoar de Goâ*, & lapides alexi pharmaci à *Cnoeffelio* in *app. E. N. C. a. 6. Fullero* in pharmac. descripti, vel similes parandi è probatis ingredientibus: Vero tamen & probato *Bezoar* orientali sua per me maneat dignitas. Novum autem & hoc remedium, Capricorni sanguis, quanti æstimetur alibi, e.g. in galliâ *le sang de bonquetin*, recentius testimonium perhibet *Helvetius*, *recueil d. method. & de pedemontio* Exc. Dn. D. *Elias Camerarius*, Patronus Honoratissimus. Raro huic & officinis nostris adhuc ignoto cruori quærantur succedanea; quorum ductu quidem occasio rariorem usurpandi & prærogativa hujus poterit declarari. Sanguis enim Hirci, etiam simpliciter siccatus & tostus, non saltem *Helmontiano* modo obtentus, scopo sanguinem resolvendi celebratur passim non solum in Pulveribus ad casum, verum etiam ad Pleuritidem, ut specificum: Ita sanè B. Avus ipsum laudavit, tempestivè tamen exhibitum, non ferò nimis, & formato jam abscessu, sed per principium, tunc præmissâ venæsectione usu ejus medico calorem, puncturas, tussim mitigatum iri, spem fecit bonam. Non ergò animus est sanguine hirci solvere *Adamantem*; sed humanum sanguinem periculum grumosa concretionis intra nos subeuntem resolvere scopus est, exhibendo cruorem ita siccatum, ut non modò rubrum illud, quod globulosum aliàs in aquâ natans microscopia discernunt, sed & gluten lymphæ, abactò caloris vi fero residuum, concludat. Qui ulterius prosequi voluerit differentias sanguinis, quorum animalium celerrimè siccetur, quorum non coeat, quorum crassissimus, quorum tenuissimus, juxta ductum c., 38. l. II. *Plinii* poterit pergere. Laudatis Viris videbatur præferendus hircus capricornus, (in zodiacum sublati, B. *Schikardo* Azazel, cur in piscem definit?) non simpliciter, quia rara cara, quàm ex ratione potius duplici, unâ ut sic dicam à priori, quandoquidem animal vivax, alpium incola rigidissimarum, herbis nutritum saluberrimis, jugis motûs, sanguinem promittat purius exaltatum, alterâ per chymicam analysin à posteriori demum innotescente, siquidem sanguis hic contineat, sc. materialiter, per destillationem verò ex retortâ præbeat formaliter, salis volatilis plus duplo, ac hirci sanguis. Hinc est, quòd drachmam integram san-

guinis

guinis hirci, cervi, vervecis, diligenter præparati, capricorni autem drachmam modò semis pro dosi, post V. S. vomitum, purgationem, prout plethora vel caeochymia bil. pit. prævalere Ipsi videntur, ad resolvendum sanguinem in pleuritide & peripnevmonia extravasatum & coagulatum exhibeat Laudatus Practicus, & æquiparet Massæ vel Pastæ suæ sudoriferae. Quid & quantum in hoc effectu sibi vendicent sanguinis principia chymica, vel specifica potius eorum mixtura, quin si placet signatura etiam, in respectu ad archeum, qui faber idearum occasiones captat motuum ut ad morbos alias sic & hîc ad sanitatem, ne videar præoccupare omnia, conflictui reservandum putem.

Quod suspectum forsân & medicis oppugnandum potius quàm usurpandum videri posset acidum, in laudatâ mihi praxi salubris ac prudentis tamen usûs exhibet specimina.

Externè quidem acidorum primus spirituum, ille Vitrioli, specialius proponi meruit, tanquam quo locus à cane rabido morsus fit illinendus quàm primum, dum internè diro metui tempestivè occurrî suadetur esu frustulorum aliquot de ipsius rabiosi hepate asso; mirabili utique specifico: Drachmam quoque semis orichalci scobis dari posse & solere additur, nec projectio læsorum in fluvium omittitur. Transeant interna modò, externum illud suis respondere indicationibus videtur. Destruendum enim est quantocyus quod susceptum est venenum, delenda in fieri, in conceptu adhuc idea, & mortificando particulam per escharæ excussionem suppuratoria hinc depuratio procuranda, promovenda. Hoc alias actuali, hîc potentiali tentatur canterio. Non ausim rabidi virus ad salium energiam referre simpliciter: Quia tamen animale est, acido infringi posse verosimile est. Specifica quidem talia sunt animalium venena; sed & viperarum, scorpîi, morsibus, ictibus idem externè hoc destinatur remedium. Ex ipso effectu, prætensâ coagulatione sanguinis, argui voluit acidum tale venenum, velut in memoir. de Trevoux a. 13. Linderoviperæ illud alcali oleosum dicenti opponitur spiritus vitrioli, similis in effectu viperæ succo, sc. venis infusus, coagulando funestus. Sed enim, præterquàm quòd hîc modus applicandi variet, illam veneni animalis energiam experientia nondum satis determinavit: In giorn. d' Ital. T. ix, Vallisnieri nihil constans in animalibus viperæ morfu

morfu enectis deprehendit ; quorundam sanguis spumofus, fluidus, aliorum grumofus fuiffe dicitur.

Alter acidorum è nitro cum vitriolo fpiritus , *aqua fortis* , fimilitu externo , extremâ pennæ plumâ peragendo , deftinatur ibidem rubrè ardentibus & livefcenribus maculis *gangrænæ* fuperficiem extremarum partium occupantis & minantis ulteriora , graviora. Quòd fi hinc illinatur moribundæ cutis portiuncula , tum nigrefcet quidem indè , fat citò , fed & , juvante levi fcarificatione , ad cruentationem ufque , quin & convenientis ufu digestivi , promovebitur mortui feceffus , ut hinc vivi mundique ulceris per consolidantia, ficcantia felicior fuccedere poffit tractatio: Uti carbunculo *Bb. Antecessores* in Cons. d. Pest. illos fpiritus ; & butyrum antimonii *Hartmannus & Jonftonus* ipfi inter *gangrænæ* differentias feptimæ pariter deftinarunt. Hâc ratione curari non vulneribus modò & fracturis artuum fuperveniens *gangrænæ*, fed & *hydropici* quidam à *gangrænâ* fimul & hinc effluentis aquæ mole liberati dicuntur ; quorum fc. benigno fato vifcerum robur eluviei ferofæ tolerandæ aliquandiu, vel & fuperandæ , par fuit , & quorum curationi non refragabatur *Hippocrates & Heurnius* aph. 8. f. 6. quales pauci quippe boni non tamen nulli.

Quid ergò non metuendum ftomacho ab illis, quibus eft vis ita corrosiva? Utique, nifi dentur parcè , tanquam condimentum, nifi diluantur , mifceantur , temperentur , quin imò nifi tribuatur cuique fuum, fc. refpectu ad perfonas habito, uti cavere jubeor, quos phthificam alere videro pulmonum difpofitionem ; dùm aliàs domi effe dicitur fano fenfu acidum in ftomacho. *Ufus* ergò *interni* fpecimen primum invenio iterum in dicto *vitrioli fpiritu*, fed probè *dulcificato*. Equidem non ignoro, quàm urinoſi prævaluerit paſſim uſus maximè , quandò convuſum patitur ſyſtema nervoſum, fed & obſervo, quàm non ſemper promiſſo gaudeat ſucceſſu : Quo magis operæ pretium videbatur, vel paucis mentionem facere inter alia cephalica nervina laudati quoque adverſus epilepfiam ſpiritus vitrioli cum *vini ſpiritus* non ana hic nec duplo, fed triplo, vel & ultra, per digeſtionem juncti & mitigati. Talem quippe lego doſi 20. guttarum per aliquot dies exhibitum iri cum ſucceſſu. Bonâ iterum fide agendum, igitur & hoc addendum erit: ſubjungi hunc ſpiritum vitrioli dulcem ſcrupulo *cinabaris antimonii*, in vehiculo con-

venien-

venienti præmisso. Quæ quidem mixta digererentur ab Aliis. Cinabaris rationem hîc dare mei jam non est instituti. Quæ verò sit illa spirituum : Utrum *novi* ex commixtione *prodncti*, apud R. Boyle l. c. & app. chym. sçpt. vel *acidi* sic diluti & temperati potior ibi æstimanda veniat virtus? erit inter themata pro conflictu. Interim quod *Kozakus* de illâ spiritûs vitrioli, non esse ita orificiorum adstrictivam, quàm vaporum (quos suorum vincula spirituum dixerat) coagulativam & benè percussivam. id *Ludovici* sic expressit, ut manifestò non calefaciens, quin potius (sive invertat, figat, aliâve nondum satis circa primas vias comprehensâ ratione agat) attemperans, & simul aliququaliter restrictivus sit habendus.

Sequatur alterum specimen acidi, sed cum alio sale compositi, species *tartari vitriolati*: Sc. Nitrum purum, cum spiritu vitrioli digestum, & destillando ficcatum, novum ipsi salis schema præbuit. Fateri æquum est, usum hujus fuisse non tam per se, quàm pro *Conservâ* dictâ *Spagyricâ*, cujus illud Sal ingrediens traditur unum è præcipuis, æquivoco *calcis vivæ* titulo priùs occultatum. Maneant *Nitrum* hoc *vitriolatum* suæ laudes, quas in laud. pharmaciâ meruit inter aperientia mineralia, tanquam spiritus vitrioli coagulatus, & portatilis polychrestus, & (cùm nitrosi spiritus hinc abeant, vitriolici verò residuo quasi fixato copulentur) in se & citra abusum tutus, nec injucundus. Erunt tamen quibus vel in ore placeat ad calorem ficcum mitigandum, ad liberandos flatus, &c. illud etiam sibi relictum nitrum.

Vehiculum tandem & spiritui isti & nitro destinatur *Serum Lactis* per praxin mihi laudatam loco non uno; e. g. in cap. de *stomachi vitiis*, *malo hypochondriaco*, *maniâ*, &c. Equidem potuum medicorum genera perquam varia si conferri & discerni ab invicem pro usu ad diversitatem sexus, ætatis, temperamenti, idiosyncrasia determinando deberent, dum è regno minerali *acidula*, *betula liquor* è vegetabili, ex animali (transeat *urina vacca*) plenum gelatinâ *jusculum* cum *lacte* contenderent, & diversimodè adhuc Lac ipsum vel ne grumescat *saccharatum*, vel ne crassitie infarciat *dilutum aquâ*, (etiam *Calcis*,) aut *Serum lactis*, simplex vel ulterius non tam *conservâ* fortè rosarum, & *syrupo violarum* conditum, quàm *acido* vel *nitro* alteratum, bibitur, hæc inquam prolixius omnia ad finem mihi pagellarum facerent negotium, & offenderent fortè diversorum patronos.

nos. Interim de gustibus dicitur non esse disputandum, & innuitur, selectum ori agrorum fore reliquendum, si non esset disputatio simul de viribus; quarum ratio cum gustu si conspiraverit, quin gratiæ saporis aliquid dari possit, minus dubitabitur. Etenim secedit à *lacte serum* per varia *media*, & sub secessu ab illis accessoriis plus minus alteratur, sive à caseariis suo modo obtineatur ut parergon, sive *cremore tartari*, *acido citri*, *herbâ acetosæ* incoctâ, (ad analogiam jusculorum medicatorum, si *melissa*, *chærefolium*, similesque suaves accesserint) ubi *œnogala Hippocratis* in comm. *Valles*. p. 190. & 818. quin *Posseticus Anglorum liquor* etiam in considerationem venire posset, sive denique ipso potentiori *acido spiritu*, separetur. Scilicet scopus videtur, procurare potum ad *acidularum* similitudinem bibendum, quærere harum defectui succedaneum: Uti *decoctum Lowerianum* ex avenâ & cichoreo, cum nitro & sacharo, laudem meruit; & similiter nitratum, alterandum & edulcorandum serum ad gratiam temperari poterit. Sit ergò *Lac* personis teneris nutriendis, sit *Serum* impuris corporibus purgandis, (absterforium enim laudatur, & potentiæ salinæ non expers ipsâ *Seri Mannâ* per crystallisationem obtinendâ probatur) remedium tam *quantitate* agens diluendo & eluendo quod viscidum & salinum, quàm *qualitate* temperando quod biliosum inflammabile peccat, ut sublata causâ quæ depascit, ficcet, stimulat, rodit, tabis, spasmodorum, dolorum tollantur effectus, sub usu convenienti, qui sui testimonium habeat evidens in tolerantia, in successu, cum bono signo non labefactati toni, & appetitus redeuntis, manentis, fieri ista non invitâ quâ in stomacho est naturâ. Ubi, quando quidem quod *nitri* & *acidi* est suprâ jam dixi, nil superest, quàm ut concludam *regulâ practicâ* in isto meo promptuario scriptâ cacostomachis, hypochondriacis, ut, non illo sensu nec modo, quo vagi nimis varia perversè usurpant, sed dextrè, in usu remediorum *alternent*, transeundo prudenter à calidiorum usu ad frigida, & ab his vicissim ad illa; vel & horis medicis *interponant*, subjungant frigidis humidis calida ficca, aliàs metuendæ *noxæ* pro conditione individuorum ita tempestivè prospiciendo.

T A N T U M.

S O L I D E O G L O R I A !